


MAYSA A GIYA ITI RSV

Enero 2024



Dagiti Sintomas

Dagiti tattao nga addaan ti respiratory syncytial virus (RSV) ket kadawyan a mangipakita kadagiti sintomas iti uneg ti 4-6 nga aldaw kalpasan a maimpeksionan da:

- nadaruy a sipon
- nakissayan a ganas iti pannangan
- panaguyek
- panagbaing
- gurigor
- panagsigawisiw ti panaganges


Dagitoy a sintomas ket kadawyan nga agparparang kadagiti tukad – saan a maminpinsan.

Kadagiti ubbing a maladaga nga addaan ti RSV, dagiti sintomas laeng ket mabalin a nalaka a mabusor, nakissayan nga aktibidad, ken rigat iti panaganges.

Pannakaiyakar

Mabalin a maiyakar ti RSV no:

- aguyek wenno agbaing ti naimpeksionan a tao
- dagiti tedted ti virus manipud ti uyek wenno baing ket mapan iti uneg dagiti matam, agung, wenno ngiwat
- naaddaan ka ti tarus a kontak iti virus, kas ti panangbisong ti rupa iti maysa nga ubing nga addaan ti RSV
- sagidem dagiti rabrabaw nga addaan ti virus, kalpasanna ipunasmu daytoy iti rupam sakbay a buguam dagiti imam



Mabalin nga agbiag iti adu nga oras kadagiti natatangken a rabaw ti RSV, kas kadagiti lamesaan ken dagiti pagiggaman ti ridaw. Kadawyan nga agbibig daytoy kadagiti nalulukneng a rabaw kas kadagiti tisyu ken ima para ti nabibiit a panawen.

Pananglapped



Dagiti bakuna para ti RSV ket maikalikagum para kadagitoy a grupo laeng:

- Ti dua a bakuna ti RSV (Arexvy manipud ti GSK ken Abrysvo manipud ti Pfizer) ket linesensiaan ti FDA ken inkalikagum ti CDC para kadagiti natataengan nga agtawen ti 60+.
- Ti maysa a bakuna ti RSV (Abrysvo manipud ti Pfizer) ket linesensiaan ken naikalikagum kabayatan ti lawas 32 agingga 36 ti panagsikog tapno masalagnib dagiti maladaga.
- Ti RSV a manglapped nga antibody ket linesensiaan ken naikalikagum para kadagiti maladaga ken sumagmamano a babassit nga ubbing.



Para kadagiti sabali a tao a nalabit a saan a maakaran ti nakaro a sakit ti RSV, dagiti aksion a manglapped kada aldaw ket makakissay ti posibilidad ti panagwaras ti RSV.

- **Agtalinaed iti pagtaengan no masakit ka**
- **Masansan a buguan ken dalusan dagiti imam**
- **Kalluban ti ngiwatmo no aguyek wenno agbaing ka babaen ti tisyu wenno dagiti kuwelyo ti badom, saan a babaen kadagiti imam**
- **Liklikan ti panangsagid ti rupam kadagiti saan a nabuguan nga imam**
- **Dalusan dagiti kanayon a masagsagid a rabrabaw**

Nagtaudan: www.cdc.gov/rsv

Dagiti pammataudan iti Asian, Native Hawaiian, ken Pacific Islander a pagsasao:
www.aa-nhpihealthresponse.org/resources